

Panis Evangelici Fragmenta Qvadragesimalia Tripartita

Ex sanctissimo Dei Verbo copiosé & sedulo collecta, Sanctorum Patrum,
variorumque Auctorum sententiis & conceptibus mirificè aucta; Et
Omnibus Quidem Anni Dominicis; præcipuè tamen singulis Quadragesimæ
Dominicis & Feriis per binas ad minus, sæpius denas aut septenas
Conciones fidi Populo ...

**Lingendes, Claude de
Coloniae Agrippinae, 1689**

CVII. Christi Resurrectionem tam firmis probationibus confirmatam esse
ostendit, ut nemo, nisi qui ratione careat, de ea dubitare possit.

Nutzungsbedingungen

[urn:nbn:de:hbz:466:1-56368](https://nbn-resolving.de/urn:nbn:de:hbz:466:1-56368)

mutanda de se crucifigendo : de debellando Christi inimicis, Diabolo, Mundo, & Carnem : de perseverantia, & constantia, & clavis in cruce : De nostra omni spe, amore, & glo-

riatione : in qua cogitatione immori voluntas in osculo, & complexu Crucifixi : à quo omnem benedictionem in hac vita, & in aeterna speramus. Amen.

DOMINICA RESVRRECTIONIS. C O N C I O .

Christi Resurrectionem planè probatam esse ostenditur.

Resurrexit, non est hic. Marci 16.

REVERTIT ex Varrone S. August. lib. 18. de Civit. cap. 5. Apim Regem Argivorum profectum in Aegyptum ibi esse defunctum, & ab Aegyptiis donatum divinitate; cultum autem in sepulchro, cum nondum ei templum edificatum esset, & ex voce Soros quæ sepulchrum significat, & ex Apis vocabulo, unum nomen fuisse compositum, Sorosapis; & ut fieri afferat, una litera mutata, Sorapis & Serapis dictum fuisse. Ceterū capitali lege sancivere, ne quis Apim defunctum fuisse, aliquando diceret: Vnde deinceps in omnibus Serapidis templis statuam Hippocratis, seu hominis digito labia comprimentis erexerunt, ut indicarent cum de Apis divinitate ageretur, mirum esse debere de sepulchro ipsius, silentium, quia nihil magis à divinitate alienum, quam mors & Sepulchrum. Stulti planè, qui cum silentium de sepulchro indicerent, nominare suum Deum non poterant sepulchri mentione, cum non Apim dicerent, sed Serapin hoc est Apis sepulchrum: atque solo nomine probarent non esse Deum. Ita S. Petrus Act. 2. ut ostenderet Davidem minorem fuisse Christi

sto, de eius sepulchro, & morte meminit, his verbis: *Viri fratres liceat audenter dicere ad vos de Patriarcha David, quoniam defunctus est, & sepultus: & sepulchrum eius est apud nos usque in presentem diem:* porro illud non vacuum; sed in quo corpus Davidis asservaretur, ut scirent fuisse tantum hominem mortalem. Sed ubi agitur de Christi divinitate, non modo non sicutur de eius sepulchro, sed sepulchrum eius ostenditur: *Vide locum, ubi positus erat Dominus:* Vnde in eo sepulchro spicantur Angeli, qui ut ostenderentur, Chrysol. secundum illud, Deum fuisse sepultum ad sepulchrum tanquam apud cœlum manebant. Nam, ut ait Chrysol. secundum 75. factus est lapis, vas Angelicæ sessionis, schola vita; qui à ludæis ad mortis januam, ad cineris levitum, ad triste silentium fuerat constitutus. Vnde magna probatio divinitatis Christi est vacuum eius sepulchrum, & eiusdem Resurrectionis, secundum illud, *Surrexit, non est hic.* De qua probate aggredior eam a deo plane & liquido confirmatam esse, ut nemini nisi qui careat ratione de ea dubitare possit; verum id antequam aggrediar opem Virginis implorabo. **A V E M A R I A .**

Sicut post acerbitatem vimque hyemis, videmus cum oblectamento amoenitatem veris, vestiti ornatique omnibus naturae venustatis: Sicut post tempestatem horribilem, qua cælo iracundiam movit, maris fluctus subvertit sursum deosum, undas permiscerunt cum terrâ, orbisque universitatem in communem seditionem compulit, nihil jucundius est quam cœlum apertum aspicere lumine radians, complanatas undas, quietum & æquabile Oceani marmor, & cum terra mare concordia devinctum: Sicut post civilia bella, terroremque armorum, suavissima rerum omnium atque optatissima pax existit, voluntatum contensio & urbium securitas: Sicut populis sub polo degentibus, post sex noctis menses, dimidiante desperationem diei, cœlum Solem restituit alicuem, quæ faustis acclamationibus hilaritatis, sexcentisque gaudij testificationibus excipitur: Eodem modo post crudelē cruentissimæ Passionem Filij Dei, succedit adestque ipsius triumphans, luminosa proflus, ac omnino glorioſa Resurrectione, post plagas sanitatis, post dolorem lætitia, post tormenta delectatio, post contemptum gloria, post certamen victoria, post captivitatem libertas, post stragam triumphus, post mortem vita, post sepulchrum cœlum: **C**onsidisti saccum meum, & circumdedisti me letitia: Quod S. Gregor. Nazianz ad exclamationem inducit, O. at 42. Pasch Domini, Pascha dicam, τινί γαρ τελάδος, est enim honor Trinitatis: Pater enim suscitat Filium, Filius resurgit à mortuis, & auctor huius novæ vitæ fit Spiritus Sanctus, secundum illud Apostoli, per Spiritum sanctificationis ex resurrectione mortuorum Iesu Christi Domini nostri. Vnde si S. Epiphanius credimus, hæc celebritas est festorum omnium nobis Princeps, totius mundi festivitas, renovatio, & salutare: Eadem festum est omnium festorum ἡσαίην, καὶ ἀπόστολος,

vertex, & veluti arx: Ut est Nazianzeno magna victima, & dies omnium maxima & de ea ex sententia Nysseni, dixit Propheta, neque diem esse, neque noctem: cum sic locutus est Zacharias c. 14. Erit dies una, quæ nota est Dominus, non dies neque nox: & in tempore Vesperis erit lux: Etenim non dies, quoniam cœpit ante ortum solis, neque nox fuit quæ tantum luce Redemptoris resplenduit: sed fuit dies, quam fecit Dominus. Itaque, ut pergit Nazian, hæc est nobis festivitatum festivitas, & celebritatum celebritas, tanto cæteris omnibus, non solum humanis, & humi defixis, sed in etiam quæ ipsius Christi sunt, ac propter ipsum celebrantur, superio, quanto Sol stellas antecedit. Vnde non mirum si ad eam celebrandæ omnia concurrent, Inferi, Sepulchrum, Mortui, Viventes, Superi, Angeli. Inferi propter libertatem, Sepulchrum propter mortis ipsolia, Viventes propter gloriam, Superi propter lumen, Angeli propter Regem. Sed ne omnia Doctoris eloquentissimi ornamenta perlequar, illud pro omnibus dixisse sufficiat, hanc esse rerum omnium centrum, atque finem: Etenim ut ait Nyss. orat. 1. in Pascha, Si quæ est Patriarcharū benedictio, divino spiritu confirmata, si quid veritatis, historiarum veterum ænigma portenderunt, si quid magnum, prophetarum oracula pronuntiantur, ea omnia hodierno munere continentur unde nobis non aliter, quam si spectaculo nobis proposito, lumen, ex innumerabilibus factibus conflatum, perstringeret aciem oculorum, omnis Christi benedictio, tanquam lux per se fulgens, magnum hunc annus nostris splendorem ex multis variis Scripturæ radiis propoyerentem emitit. Alludit fortasse ad pharum illam mirabilem, quæ hoc ipso die accendebat, de qua meminit nastalus in Hadriano: Erat autem ingens candalebum mirabili opere confectum insigni artificio, quod à summo templi tholo

in Crucis effigiem, pendebat, quod candelas mille trecentas & septuaginta continebat. Vnde mirum quod ait S. Athanas. orat. 2. de Resurrect. Christum suscitatum ex mortuis, totam mortalium vitam, unum Festum reddidisse.

At veritus ne me latitia efferat, & ne sermonem hunc minus fluctuolum efficiam, utilitatem potius quam oblationem spectans, contraho me ad probationem huiusce propositionis, quae sola sermonis mei argumentum futura est, omnium scilicet mysteriorum fidei nostrae, nullum esse, quod pluribus probationibus magisque convincentibus confirmatum nobis tuerit, quam mysterium Resurrectionis Filii Dei: Vnde sit ut S. Paulus illud tanquam doctrinæ sua fundamentum constituit. Tradidi enim vobis, in primis quod Accepisti quoniam Christus mortuus est pro peccatis nostris, secundum Scripturas: & quia sepultus est, & quia resurrexit tertia die secundum Scripturas.

1. Probatio est. Quia omnem dubitandi occasionem sustulit, ita ut omnis qui non crediderit sit inexcusabilis. Etenim inter omnia, tria præcipue difficultatem facere potuerunt,

1. An vere mortuus. Nam non resurgit nisi quod mortuum est. Et ita multi negant varias factas Resurrectiones.

2. An eius corpus clanculo ablatum fuerit, ut ita populis imponeretur. Et hoc fuit impiorum Sacerdotum cum senioribus congegatorum consilium, qui copiosam pecuniam militibus dederunt, dicentes: Dicite quia discipuli eum nocte venerunt: & furati sunt eum nobis a iumentibus. Et ut subiicit Marth. cap. ult. Divulgatum est verbum istud apud Iudeos, usque in bodiernam diem.

3. An ab alio suscitatus esset eius corp. Nisi hoc esset non ex eius suscitatione recte probaretur eius divinitas, quippe qui non sua virtute sed aliena esset suscitatus.

Quoad 1. ut scires vere mortuum, 1.

probatur ex testimonio Centurionis qui accusatus a Pilato testatus est vere esse mortuum. 2. ex effusione totius sanguinis & aquæ ex Christi latere. Nam totus sanguis effusus est, ac post sanguinem, aqua, ut scires nihil sanguinis relictum esse etiam ferro viscera scrutante, quod accidit postictum lanceæ. Certè vita in sanguine est. Itaque, ne vitam retinuisse videretur totum sanguinem fudit: semper aliquid sanguinis haeret in corde, sed ne aliquid superesset, voluit lancea cor dividi, ut sicut loquitur S. Cyprianus de duplice Marryrio, quidquid resederat in corde sanguinis emitteret: In cuius rei figuram Job in afflictione sua scidit vestimenta sua quod exponens S. Chrysost. Homil. de Job & Abraham, sicut habet: Disrupti vestem non ingratus, neque indignam vocem emittens, sed insultans diabolo, & in expugnabilem eius, qui omnia abstulerat, rapacitate confundens, unam, quam habebat vestem, & qua induitus erat, disrupti, ac depoluit, gloriatus contra tentantem; & ei ostendens, quod maiora illis sustinere queat. Ita Christus, postquam Judæi & milites, omnem sanguinem exhauserunt, reliquum cordis sanguinem moriuss miraculo emisit, & aquam post sanguinem, ut nemo de morte dubitaret: Vnde S. Joannes post huius rei narrationem subdit. Et qui vidit testimonium perhibuit, & verum est testimonium eius, quia scilicet fuerat testis oculatus: Et ille scit, quia vera dicit, & ut vos credatis: Certè cum multa quæ viderat Joannes, ea narrasset, huius tamen rei particulae adhibet testimonium ex visu propter rei momentum.

Quoad 2. Ne forte aliquis putaret Christi corpus ab apostolis fuisse sublatum, ut impiorum Judæi calumnianti sunt, factum est divina Providentia ut ipsi custodiam militum adhibuerint, ne si alii adhibuissent, frandæ factæ dicerent: Ad hæc ut sigillo suo sepulchrū munirent, eodem sensu quo ille impius dixit Sap. 5.

Non

Non est reversio finis nostri, quoniam consignata est. Quod autem causati sunt Iudei, dormientibus custodibus, discipulos Christi corpus eius furatos esse; pulchre redarguit Augustinus in Psal. 63. Dormientes testes adhibes, verè tu ipse obdormisti, qui scrutando talia defecisti. Verè enim defecerunt scrutantes scrutationes, consilia mala. Itaque corruptos pecunia custodes ait Matth. cap. 28. Et divulgatum est verbum istud apud Iudeos usque in hodiernum diem: Sed præclarè Sedulus Poëta hos custodes exagitat: Tam grandem lapidem silentio volvi non potuisse, ut dormientes non excitarentur, aut aliquis eorum, qui cæteros excitaret, atque in clamaret: Nihil fuisse causæ, cur corpus ligatum tot vinculorum voluminibus solveretur, & linteamina relinquerentur in sepulchro separatim immoluta, & sudarium complicatum.

anne beati
Corporis ablator, velocius esse putavit
Solvore concrectū, quam devectare ligatum;
Cum mora sit furtis contraria? cautius ergo
Cum Domino potuere magis sua linteata tolli;
Mentitia est vox sana sibi: Tamē ista figuram
Res habet egregiam: Iudeis cōstat ademptū,
Quem nos devoto portamus pectore Chri-
stum.

In quo Divinam admirare providentiam, nam ut notat Chrysost. Homil. 90. in Matth. ipsi vel inviti operam navarunt veritatē: Si quidem ipsi Pilatum adserunt, ipsi petierunt, custodiam; Pilatus autem noluit, ut soli milites obsignarent, ne fraudem postea incusarent, sed voluit ut ipsi facerent: Nec voluit eis milites praetorianos dare, sed suis uti voluit, unde ait: *Habetis custodiam, ite, custodite sicut scientia, illi autem abeuntes munierunt sepulchrum signantes lapidem cum custodibus:* Quare cum incusant custodes dormientes, ridiculi sunt: Etenim quando volunt discipulos defuncti corpus abstulisse: An Sabbato? Sed quarati-

one, cum lex prohiberet accedere? Quod si legem neglexerunt, quomodo, cum essent adeo timidi, eo ire ausi sunt? Sed quomodo aliis persuadere eius resurrectionem, quam ipsi falsam scirent? Jam quali fiducia, pro mortuo stare auderent, & quam ab eo sperare mercedem? Qui adhuc viventem, & tantummodo comprehensum videntes auferunt, ijne post mortem, si non resurrexisset, erant audacter pro illo locuturi? & cuinam quæ dixissent forent verisimilia: Oportuisset igitur ut finxissent, quæ nec ipsi ausi essent fingere, nec si sapuerint, voluissent. Nam cum sæpè promisisset se resurrectorum, jam si non resurrexisset, planum est quod ipsi decepti, & à tota gente, propter ipsum oppugnati, atque à dominibus expulsi, eum averiati, fuissent, nec talem ei gloriam tribuissent: sed: contrario tanquam decepti, & in extrema propter ipsum adducti pericula, mille maledictis concidissent. Adde quod nisi vera fuisse resurreccio, quomodo eam stabilire fingendo potuissent? An sermonis vehementia, & orationis acrimonia: ut qui omnium erant imperiissimi: pecuniarum ne abundantia: atque neque baculum habebant, neque calceamenta: generis ne claritate: atqui, nec ipsi clari, nec à parentibus claris orti: patriæ: ne splendore: atqui, è regionibus erant obscuris: suāne multitudine: atqui, non plures quam undecim, & illi quidem dispertri: an promissionibus Magistri: sed quibus: si enim non resurrexerat, nihil apud illos ponderis; nihil auctoritatis apud ullum habere poterant. Expende autem ridiculam Iudeorum malitiam: Recordari sumus, quod seductor ille adhuc viens dixerit post tres dies resurgam: Atqui si impostor est, & vanajactavit, quid metuitis: Cur adeò solliciti estis, tantumque studii impenditis? Metuimus, ajunt, ne discipuli eius corpus furentur, ac decipi-ant plebem: Sed ostendimus id nulla rati-

one

one clanculum fieri potuisse. Verum malitia, ut est impudens, & contentiosa, quæ stulta sunt & temeraria aggreditur: & ita ad tres dies iubent muniri sepulchrum, ut pro dogmatibus decertantes: in quo veritati servierunt, ne quod se timere dicebant, id postea cum aliquo colore dicere possent, si hæc omissa forent. Vide autem quomodo veritati servierunt: 1. enim agnoscunt ipsum ante mortem suam pollicitum fuisse suam resurrectionem idque intra tres dies. 2. Cum custodes adhuc huerunt, testes posuerunt resurrectionis. 3. Sustulerunt dubitationem omnem fraudis: nam corpus auferri non potuit, ne supponeretur resurrexisse: cùm enim esset sepulchrū incipue cavatum, suffodi non potuit; quod si eti potuisse, si fuisset cæmentarium: oportuit itaque ut auferretur per ostium; sed & illud clausum fuit ingenti lapide, & obsignatum illorum sigillo, & custoditum à militibꝫ: & tamen nil horum impedivit ejus resurrectionem. Et ea causa fuit, cur citius resurrexerit, ne dicerent quod esset mentitus, vel quod post illud tempus, "in custodito sepulchro furto, fuisset sublatus. Nam citius resurrexisse criminatio non erat obnoxium; sed citius vero plenum fuisset suspicionis. Oportuit itaque resurrectionem fieri ipsis assidentibus, & custodientibus, & consequenter intra tres ipsos dies; alioquin si exactis tribus diebus, & custodibus remotis, facti fuissent, res futura erat suspecta ideoque permisit, ut sicut voluerant, obsignarent sepulchrum, & ei assiderent; quod extremæ fuit stultitiae, & timoris ipsos vehementer concutientis: qui enim viventem comprehendenter, mortuum verentur: quavis si homo tantum fuisset, nihil esset quod timeretur. Sed ut scirent voluntate suâ passum esse viventem, enī & sigillum, & lapis, & custodes; nec tamen ipsum retinere potuerunt: hoc unum tantum effecerunt ut sepul-

tura publicaretur, & resurrectio inde certior haberetur & manifestior, & inde credere tur.

Quoad 3. Ne ab alio suscitatum dices, uti quandam contigit homini à latronibus imperfecto, & in Elisei sepulchrum conjecto, unde Ecclesiastes cap. 48. Mortuum prophetavit corpus eius: Ita vita sua fecit monstra, & in morte mirabilia operatus est: Divina Providentia facit, ut in sepulchro lapideo poneretur excisus in petra, ne suffodi potuisse crederes, si opus esset cæmentarium, & eā ratione extrahi, atque evehi potuisse; item in sepulchro novo, in quo nullus adhuc positus fuerat, ne resurrectio, alterius virtuti tribueretur: vel ut ait Ambros. ne alius suscitatus esse, non ipse, diceretur à perfidis. Nec otiosè ait idem Pater, alius monumentum novum dixit, alius monumentum Ioseph, quia sibi Ioseph exciderat: non habebat igitur Christus tumulum suum: Mortis vixtor, mortis tumulum suum non habet: quæ enim communio tumulo, & Deo? Acne putes id temere accidisse, huc spectat quod de Christi sepultura scripsit Isaias, c. 53. Dabit impios pro sepultura: & divites pro morte sua: quod aliter, & sic habet Hebreæ, dedit cum impiis sepulchrum eius: quia juxta Calvariac locum, ubi latrones sepeliri solitum erat: Et cum divite in mortibus suis: quia posicis est, in sepulchro hominis divitis, nēpe Iosephi. Ex quibus omnibus patet sublata fuisse causas non credendæ resurrectionis. Acne credas nos uti tantum argumentis negativis.

II. Probatio est: Quia omnis generis testimonia accelerunt secundum illud 1. Ioan. 5. Tres sunt qui testimonium dant in celo, pater, Verbum, & Spiritus Sanctus: & tres sunt qui testimonium dant in terra spiritus aqua, & sanguis. Et terra quidem testimonia dedit mortis: nam spiritus corpus deseruit, secundum illud Ioan. 19. Et inclinato capite tradidit spiritum: de quo

prius dixerat: In manus tuas Domine commendo spiritum meum; quod exponens Innoc. 3. in Decretal. Gregorij lib. 3. Titulo 51. De celebratione Missarum cap. 8. In quadam: Hinc manifestè probatur, quod spiritum habebat, non solum sicutum vitalem, sed animam rationalem, de qua dixerat; Tristis est anima mea usque ad mortem, & potestatem habeo ponendi animam meam, & iterum sumendi eam. Aperto autem Christi latere ab uno è militibus, continuò exivit sanguis & aqua: quâ ratione indubitate fuit mors Christi: fluxus enim totius sanguinis, infert interemptionem animalis, nam vita in sanguine est & quod totus fluxerit patet ut diximus, ex succedente fluxu aquæ: aquæ autem fluxus ostendit resolutionem corporis naturalis in sua principia: nomen enim aquæ debet sumi propriè: & significat aquam elementarem: quod quia extraordinarium fuit, ne fides abesset, subjecit Ioannes; Et qui vidit, testimonium perhibuit, & verum est testimonium eius. Ex quo loco idem Papa loco citato, colligit quoque veritatem corporis Christi & Humanitatis ipsius: rationalis quippe anima non posset vivificare nisi corpus humanum, ex quibus simul unitis verus homo consistit. Ut verò fuit verus spiritus, & verus sanguis, ita quoque pura aqua, cum Christus sit veritas, & à veritate ònis fallacia sit penitus aliena; possitque naturaliter compositum in componentia, & elementatum in elementa resolvi; verusque extiterit sudor ipsius, sicut guttae sanguinis decurrentia in terram. Nam cùm ad compositionem humani corporis quatuor elementa concurrent; & ad vegetationem ejusdè quatuor humores illis consimiles; ut veritatem humani corporis expressius in Christo demonstraret Ioannes, unum ex illis, & unum ex istis expressit; ex elementis aquam, ex humeribus sanguinem: in quibus duobus, duo maximè, Redemptionis videlicet, & Rege-

nerationis mysteria eluent: addo & mortis testimonia in eorum effusione.

Iam cœlum testimonia dedit Resurrectionis. Pater quidem miraculis innumeris; & missis Angelis; & hominibus suscitatis: quoniam multorum Sanctorum corpora suscitatunt, & apparuerunt multis in civitate: Angoli autem annunciarerant mulieribus, quoniam Pater suscitavit Filium suum: efficientia enim resurrectionis Patri tribuitur: quia opus fuit divina potentia, quæ singulariter Patri conceditur per attributionem.

Filius pluribus modis eandem testatus; est variis apparitionibus, pluribus modis factis, exhibitione sui corporis; visu, tactu, attestatione, vulnerum exploitatione, mandatione, argumentatione, nam verum corpus ostendit, cùm se iussit tangi; Palpate & videte quia spiritus carnem & ossa non habet: probavit vitam animalis, cum vidit & locutus est, & progressus est, & comedit, habet hic aliquid quod manducetur? Probavit vitam rationalem, cum discurrat, & argumenta intulit: quæ probationes, supposita ipsorum dispositione, omnem ab Apostolorum animis dubitationem sustulere, cùm ipsi nollent credere, nisi tangerent, vellent autem credere, si tangerent; deberent autem credere, ratione multatum probationum; ad hæc, revocatione in memoriam eorum quæ docuerat: Hæc sunt verba quæ ego dicebam vobis, cum essem vobis: Item, obiurgatione, & reprehensione, O stulti, & tardi corde ad credendum omnibus que locutis sunt prophetæ: Et ad Thomam, Quia visisti me, Thoma, credidisti: Item, Noli esse incredulus, sed fidelis: Item, Et exprobavit incredulitatem eorum, quia iis qui viderant cum resurrexisse, non crediderunt.

In quo adverte aliud esse objectum fidei, aliud propositionem objecti fidei. Objectum fuit ipsa Christi resurrectione divinitus facta, quæ fuit objectum materiale fidei, at forma le fidei

le fuit revelatio huius objecti, & authoritas divina. Sed propositio fuit multiplex: omnis autem sufficere potuit, bene disposito ad credendum, sed male dispositis opus fuit multis modis: & hoc fuit in Apostolis, qui credere voluerunt, & ceteris motivis credendi non fuerunt contenti: nisi viderent & palparent; quorum infirmitati ita Christus se accommodavit, ut omne genus probationum illis attulerit, Deniq; eos Christus convicit allegatione Scripturarum, & eartum expositione: Et inquietans a Moysi & Prophetis, interpretabatur eis Scripturas, quae de ipso erant. Et illud aliud, Et aperuit illius sensum, ut intelligerent Scripturas: Quia non tantum illuminavit, ut Doctor propoenens exterius, & tantum exponens sermone, sed etiam ut Deus, docens interius, & tribuens intelligentiam, unde dubitare non potuerunt post tantam illuminationem.

Spiritus autem Sanctus dedit testimonium in omnibus Scripturis, cum & in Lege, & in omnibus Prophetis, & in Psalmis, locutus sit de Christi Domini resurrectione: Dedit etiam testimonium per descensus in Apostolos, quo tempore illud impletum est quod dicitur in Ioanne cap. 15, *Ille testimonium perhibebit de me: quod factum variis signis, & virtutibus, sanitatibus, prophetiis, linguarum generibus & multorum mortuorum resurrectione, quæ non potuit fieri in nomine ejus, qui non fuisset inter mortuos liber, & qui in se mortis imperium non superaseret.*

Iam quid memorem inferiora quidem, sed certa testimonia, Angelorum, Magdalena, Mulierum, ipsius Petri, decem Apostolorum, qui Thomæ dixerunt, *Quia vidi dominum:* Denique ipsius Thomæ, cuius infidelitas, & pertinacia maximum fuit eiusdem rei testimonium: Nam eò pervicaciæ devenerat, quo infidelis quisque, & maximè difficilis ad fidem; ut ne aliorum quicunq; sermonem audire, ac ferre posset, tan-

quam forent deliramenta: Lucæ 24. Et vi-
sa sunt ante illos, sicut deliramentum norba ista,
& non crediderunt illis. Vnde ab allis ipse Thomas discessit, nec decem referentibus se Christum suscitatum vidisse, fidem adhibuit, quasi ipsi non satis explorassent, ac veritatem carnis probassent: quod ubi curiosissimè fecit, coactus est veritatem summam devotione fateri, exclamans, *Dominus meus, & Deus meus.* Et ita Discipulorum infidelitas magnum fuit veritatis argumentum, ne diceres eos ex levitate credidisse, cum scriptum sit, *Qui credit cito, levis est corde:* Ad hæc quia occasionem Christo dederunt, varias affrendi probationes, & quoad sensus ipsos, & quoad intelligentiam, quod in aliis mysteriis factum non legimus, ut hoc supra omnia possimum, ac præcipue confirmaretur.

Sequitur unica Conclusio. Ut cogites quam indignum sit, & temerarium, & quam intolerabile, ubi habeas tam multiplices tamque certas probationes, ob minimam difficultatem occurrentem de re adeo constante dubitare; quod solent homines impipi, quos una impietatis difficultas plus movet, quam tot attestata testimonia: ut scilicet in illis impleatur, sermo ille; *Quia odio habuerunt me gratis:* uti Apostolus Thomas, qui sola animi pervicacia, & animi dolore, se ad incredulitatem, tot neglectis testimoniis, obfirmavit.

Sed adversus tantam testium nubem, & authoritatem, quid obiicere potest impietas, & incredulitas?

AN I. Statum corporis adeò deformem & perditum morte: Sed quid illud obiese potest Resurrectioni, si cogites **I.** unitum fuisse hoc corpus divinitatis? de quo consequenter dictum est: *Non dabitis sanctum tuum videre corruptionem:* **2.** Potuisse

Tz Deum

DOMINICA RESURRECTIONIS.

Deum, sine opera viri, illud in utero Virginis formate: cur itaque eadem virtus non illud iterum formate poterit in tumulo; 3. Quotidie artificem opus suum vetus, & collapsum redindegredit; cur igitur id Deus non poterit; Vide sigillum ubi vas finxit elegans, si ante coctionem frangatur, nunquid potest illud iterum fingere? nunquid idem potest in luo opere certius? Idem autifex? Cur id unus non poterit, qui omnia potest Deus.

An 2. quod Iudei calumniati sunt, Discipulos Christi, corpus ejus esse furatos, secundum illud Matth. 28. Dicite quia Discipuli ejus nocte venerunt, & furati sunt eum nobis dormientibus: Et divulgatum est verbum istud apud Iudeos usque in hodiernum diem: Sed vide homines ridiculos ex ipsorum, diligentia: Nam & custodes adhibuerant, & sigillo munierant: Quid ergo jam queruntur de furto; Item eadem calumnia refellitur ex custodum testimonio: Nam quidam de custodibus venerunt in civitatem, & numeraverunt principibus Sacerdotum omnia que facta fuerant. Item ex eorum super eam re coacto concilio, & ex datâ custodibus pecuniâ, secundum illud. Et congregati cum senioribus, consilio accepto, copiosam pecuniâ dederunt militibus, dicentes, dicite, quia Discipuli ejus, nocte venerunt. & furati sunt eum, nobis dormientibus. Vide num ipsi dormiant, qui testes adhibent dormientes. Denique ex iis quae secunda sunt: Nam si homo semper mortuus jacuisse, & facta foret resurrectione, unde tanta in discipulis mutatio, unde tanta constantia, unde tanta scientia, unde sic mores mutati, unde totius orbis conversio, unde fides in Christum? Finixerunt Discipuli Apollonij Thyanæi eum vice redditum: vide quo reciderit fabula ridicula; à quibus credita & recepta fuit.

An 3. Possideri à Turcis Sepulchrum Domini, quod esset æternum Resurrectionis ipsius testimonium Id enim ab aliquibus jactari audio. Ita sane Christus Sepulchrum reliquit hostibus, sed ipse corpus inde eduxit. Adhæc,

sicut militibus cum præsens adesset, custodiendum permisit; ita enim vacuum à Turcis servari voluit, ut & ab hostibus obsequium traheret. Præterea qui se ipsum, & sanctos suos in quibus temper habitat, hostibus permisit; cur non etiam sepulchrū & rupem; quamquam non excidit etiam prophetia Ilaiae cap. 11. Et erit sepulchrum ejus gloriosum Nam quicquid conatus sit Julianus Apostata contrallat, semper tamen mansit in gloriâ & licet in illis locis Turcæ dominantur, non tamen manet sine honore; & undique concurrentibus Christianis:

Vidistis quam sint levia quæ nobis obiicit Impietas, & audistis quibus testimonii Fides nostra stabilita sit, & quibus authoribus credamus: Quod in universem opto vos, Auditores, in rebus fidei, & morum considerare. Nam dici non potest quam gravibus agamus testimonii, & quam levibus, & planè ridiculous rationibus nitatur Impietas. Quid enim pro se afferunt Impij; sensura, difficultates, jocos, sales. Quis credat? Quis putet? Nisi video non credam, quomodo potest id fieri, & innumera ejusmodi. Quid fides nostra? Prophetias impleras, prædictiones tot sæculorum, innumera miracula, signa, portenta, morum mutationem, vitæ sanctitatem, rationum pondera, motiva credibilitatis tot & tanta, tot sapientum testimonia, tot populorum & rationum consensum, tot sæculorum concordiam. Itaque non mirum est si pro nostra Fide tot Martyres sanguinem fuderint: omnis ætatis, sexus, conditionis; per tot supplicia; apud omnes nationes; torque fæculis; non mirum, si multi obeandem Fidem, & persuasi ab ea, omnia sua reliquerunt, & rebus omnibus nantium remiserunt; cum isti omnes impii, nihil sustinere vellent pro suis nugis, neque periclitari in ulla re, ut suas doctrinas, & effata tucantur, Hanc fieri

sieri videamus ut solidissima quæque ingenia, & prudentissima, rebus Fidei n. st. & acquiescantialiis vero rebus dent se ingenia tui bu-letra, vana, inania, superba, & omnis dis-Sci-
plinae inimica : unde amborum dissimiles
mores, & vita valde contraria : At vide o-
impie:

1. Quis nostrum solidiore nitatur funda-
mento : Tu tuo judicio tu tuæ prudentiæ ;
immo pervaicitati; quia capere non potes,
quia hoc sensu tuo adversatur, quid mihi op-
ponistuas difficultates ? Unde illarum origo,
nisi ex tua ignorantia, ex animi tui stupiditate?
Quia omnia metris sensibustuis ; nihil plus
ineligis, quam quod oculi vident, quam
quod manibus tangis : Nisi video fixuram cla-
vorū ; &c. & mittam manum meam in latu, &c.
non credam. Tuæ fidei opponunt se pessimi tui
mores, vivendi consuetudo, vitæ præsentis
amor : Ego Divino testimonio innitor, Pro-
phetia & veritati, miraculorū testimoniis, Di-
vine providentie sequor in Fide summa ingenia,
exempla omnium virtutum, tot rationes, tot
demonstrations: Non potuisse illam Fidem
esse fallam, quæ tantam in rebus mutationē
effecit; quæ tot errores sustulit; tot abolevit
vitia, tantam sanctitatem induxit; quæ tot
martyres habuit, quæ tanto sanguine con-
signata est; quam nec tyrannorum lævitia, nec
tortorum immanitas, nec tormentorum at-
rocitas imminuere potuit; adversus quam
nec mors aliquid potuit, nec Inferoru portæ
prævalere potuerunt; & ad quā stabiliendam
tanto consensu convenire non potuerunt tor-
gentes & nationes, adeò moribus, & legibus
dissimiles: Ad hoc me movit tanta unitas &
concordia, tam admirabilis sanctitas, succel-
lio non interrupta, & innumera signa, & por-
tentia omnibus lœculis, tot testibus visa;

2. Quis nostrum agit prudentius? Tu sen-
ibus gubernaris, & humano sensu: Ego divi-
no. Tu terram species, ego cœlum, Tu omnia

tempore concludis, ego æternitate. Tu regu-
la dirigeris fallibili, & erronea, ego infallibili,
& nunquam fallente. Tu assertis quod nescis,
nos autem quod scimus, loquimur ; & quod
vidimus, testamur. Tu sola rerum incertitu-
dine gubernaris, nos autem rerum infallibili-
tate & certitudine:

3. Quis nostrum majori periculo se expo-
nit? Nam ut de rebus meis, tuo usus judicio
sententiam feram, ad summum me privo, aut
rebus illicitis, aut rebus vanis, & bonis fugi-
entibus, & quæ omnia intra huius vitæ am-
bitum concludunt. Sic mecum quæsio reputa,
an horum rerum justitia magna est, & æsti-
mabilis? Dem hoc tibi, omnia, vita hac nostra
præsenti terminari; nullam esse aliam vitam,
nullam resurrectionem corporum, neque ani-
morum immortalitatem ; meras esse nugas
quæcunque dicuntur de inferorum tormentis,
& de Sanctorum beatitudine; hoc ne satis
est ad tuam impietatem? sed mitto dicere hanc
esse cogitationem Epicuri alicuius, aut ani-
malis sensum: ad hæc, si hæc sint vera; nullum
esse Deum, nullam religionem, nullum jus,
nullas leges, nullum rerum ordinem; sed ne
tecum disputem de ipsis rerum principiis, hoc
demus tuæ impietati, & improbitati tuæ :
Nunquid tamen melius est mihi castum fuisse
quam impurum; justum quam injustum; bo-
nū quam improbum? Cuius maior securitas,
tua; an mea? Cuius major, & tutior pax, tuæ
conscientiæ; an meæ? Quæ vita tranquillior,
& beatior, tua quam tot crimina terrent; an
mea quæ iuste factorum conscientia conso-
latur? Sed verte negotium, & rem considera
de integrō: At si est alia vita, præter hanc præ-
sentem, quæ sit æterna & summè misera, vel
summè beata; quo loco res tuæ erunt? quod
deinde remedium? quæ excusatio? hoc ne idē
est in utramque partem? Vide an nostra sine
paria, an æqualia, æquale periculū, an æqualis
jactura? Tota alea mea, vertitur circa tempo-
ralia,

talib, circa exigua, & contemptibilia; quæ possedisse nihil est, amisisse exigua, jactura, contemptissime virtus: Alea tua vertitur circum æterna, & summa; quæ possedisse summa est & suprema felicitas, amisisse extrema miseria, & suprema infelicitas, contemptissime summa impietas & stultitia. Sed hæc omnia incerta sunt, urges iterum? Tibi certè incerta; mihi autem certissima, & indubitate. Saltem, ais, sunt obscura, non tamen incerta, non dubia, non falsa. Sed tamen quid inde concludis?

Quia obscura mihi dubia: Tibi certè, sed non mihi. Sed non dubia fuere tot Sanctis, tot

martyribus, tot præclaris ingenii. Et si essent dubia vide an ad prudentiam pertineat in re tanti momenti periclitari, in qua agitur de summâ rerum? Evidē si falsus sum nihil mihi deperit; sed temper magna me spe erexit, & co-solatus sum: Si dcectus es, totum perdidisti, & quod erat præcipuum in vita, quod est virtus; & quod totū est in æternitate, quod felicitas est; ad quam nos perducat Iesus Christus.

Amen.

* *

FERIA SECUNDA

POST PASCHA. CONCIO.

Quam multa ad fidem Resurrectionis nostræ nos disponant.

Resurrexit Dominus verè. Lucæ. 24.

LI C E T in hoc Festo plures dies esse videantur, censetur tamen Pascha unica dies; quia una est solemnitas, unde signanter dicitur, *Vna sabbato-rum*, quod exponens Sanctus Chrysostomus Serm. 79. Benè una dixit, Quia resurrectionis dies alteram nescit: resurgentium lux mori non potest, lux quæ mortem delet, non potest extingui. Unica igitur est dies; sed ut ait Nazianzen. Hæc dies dicitur magna & magna victima, est enim dies quam fecit Dominus. Ita que cum sit una solemnitas, non mirum si de una re tantum agatur, hoc est de resurrectione seu Christo seu nostra; in cuius probatione pergimus, ut Christus quadraginta diebus suis discipulis suā probavit. Sed de tanta gratia dicere non possumus sine gratia. Vnde autem melius gratiam petemus quam ab ea quæ

gratia plena est. AVE MARIA.

LI C E T non ignorem quod alicubi dixit Philo Iudæus magnorum argumentorum magna debere esse processio, & aliunde Pascha esse omniam festorum primū, ut ex Epiphanio illud vocante totius mundi festivitatem & renovationem nuper dicebamus: Quia tamē hoc unū quærimus, ut quæ pronobis gesta sunt ex iis utilitatē capiamus neque enim sibi tantum Christus resurrexit, sed nobis etiam, totique mundo; secundum illud Apostoli ad Roman. 4. Traditus est propter delicta nostra, & resurrexit propter justificationem nostram) Age pergamus in opere à nobis suscepito, & ostendamus quibus firmamentis stabilita est fides quam habemus de Christi resurrectione, secundum illud, *resurrexit verè.*

Heri